

آرام جانيم

گل ای آرام جانيم يوخ داها طاقت بو هجرانه
گورورسن توش اولوب عاشيقلرين هجرينده افغانه
نفاين كشف ائله گؤستر جمال جلوۀ طوري
عيان ائت آيت اني اناالله پور عمرانه
آچ اوزدن برقعون والشمسى تفسير ائيله نورونلا
داغيت تئل - تئل تۆ كولموش طرۀ طراري يان يانه
عيان ائت مصحف رويون اوره كلر شادمان اولسون
كؤنول لر اي گؤزل بو طول غيبت دن دؤنوب قانه
سواد زولفون اتميش روزگارين تيره عشاقين
سنى تارى ظهور ائت تار اولوب سنسيز بو كاشانه
شب قدر وصالين بدر رخسارين لا روشن قيل
دؤنه اول بارقه نله بير گولوستانه بو ويرانه
گؤزو آغلار قاليب مينلرجه يعقوبون فراقيندا
عزيزيم رحم قيل يعقوبه دؤن گل بيت الاحزانه
دوشوب ماهور و دشته بي نوا عشاق شور ايله
همايون فر وصالين ائت عطا بو خيل گريانه
كنار ائت چهرۀ خورشيددن اول زلف شبريزي
اؤزون بو ليله هجرى يثتير اي ماه پايانه
منيم آهيم محاق اولموش مه رخسارينا اي مه
اولوب هاله او زولفون آهيم ايله ماه تابانه
جهانسوز آهيمين جانا شراريندن حذر قيل كيم
نه تكجه ربع مسكون قورخورام دريالر اودلانه
آصيلميش بيدق غم قلعه بخته شها سنسيز
اودوزدوم پاك نقد عؤ مرومو ليلاج هجرانه
يارانميش يانماغا چون شمع سنسيز رشتۀ جانيم
او شمعي گرچه سندن آيري قويدوم راه طوفانه
آتاق دونياني گر سن كلمه سن اي درج گوهر چون
اگر گنجينه يوخدورسا نه يه لازيمدى ويرانه
يانار اولدوز كيمي هر عاشقين بير سو ده، رحم ائيله
سن اي ماه سپهر حسن بو جمع پريشانه
گؤزون بيمارى يم بيمار گؤز! درمان نياز اتمه
خوشام من درد عشقينله نيازيم يوخو درمانه

آلار جان بير اشارتله گۆزون مندن گۆزون قوربان
اؤزون اينجيمه آماج ائتمه جاني تير مژگانه
نگاهين برقي اخگرلر آتيب دير خرمن كفرة
اگرچه كفر زولفون رخنه صالحميش ملك ايمانه
نيه جور مخالف دن دؤنوب عشاقى ترك ائتدين
قايت! خصمى گؤزل غمزه نله مغلوب ائيله تركانه
قيامت دير او گون قائم قيام قامتين گورسم
هلا قائم قيام ائت غالب اولسون وصل هجرانه
غم آلميش قلعه مى اى شهسواريم دستخون اولدوم
كؤنول بو ششدر غمدن چيخا هيها ت بير يانه
صا تيلديم قول كيمي بازار عشقينده بويون قوربان
بويون قويدوم سنين زنجير يوه رحم ائت عزيزانه
طريق عشقده طرار تك كسدى يولوم هجرين
متاع عؤمرومو درد فراقين وئردى تالانه
صورشما نى كيمي جسم نزاريم بند بنديندن
كى سوزايله صيزيلدار بو مشبك جسم مستانه
شبا بين من حديثين تك آغيزلاردان ائشيتديم حيف
كتاب قصه عؤمروم اولوب افسون و افسانه
اوشاقلار باخ دوشوب «فردى» دالينجا هاى و هوى ايله
نئجه گؤر دلبرين عشقى سنى ائيليبدى ديوانه
بو شعره گنت صله بير بيت «راجى» دن سوال ائيله
اوتور «فردى» در خرگاه اوستاديندا طفلانه:
«خيالى سينه ده گؤيلوم اياق آلتيندا دير راجى
اوتورماز صدرده مهمان اولاندا صاحب خانه»